

大方廣佛花嚴經 龍樹菩薩略纂偈

南無花藏世界海 毗盧遮那真法身 現在說法盧舍那 釋迦牟尼諸如來
過去現在未來佛 十方一切諸大聖 根本花嚴轉法輪 海印三昧勢力故
普賢菩薩諸大眾 執金剛神身眾神 足行神眾道場神 主城神眾主地神
主山神眾主林神 主藥神眾主稼神 主河神眾主海神 主水神眾主火神
主風神眾主空神 主方神眾主夜神 主晝神眾阿修羅 迦樓羅王緊那羅
摩睺羅伽夜叉王 諸大龍王鳩槃荼 乾達婆王月天子 日天子眾兜利天
夜摩天王兜率天 化樂天王他化天 大梵天王光音天 遍淨天王廣果天
大自在王不可說 普賢文殊大菩薩 法慧功德金剛幢 金剛藏及金剛慧
光焰幢及須彌幢 大德聲聞舍利子 及與比丘海覺等 優婆塞長優婆夷
善財童子童男女 其數無量不可說 善財童子善知識 文殊舍利最第一
德雲海雲善住僧 彌伽解脫與解幢 休舍毘目瞿沙仙 勝熱婆羅慈行女
善見自在主童子 具足優婆明智士 法寶髻長與普眼 無厭足王大光王
不動優婆遍行外 優婆羅花長者人 婆施羅船無上勝 獅子嚩呻婆須密
毘瑟祇羅居士人 觀自在尊與正趣 大王安住主地神 婆珊婆演主夜神
普德淨光主夜神 喜目觀察眾生神 普救眾生妙德神 寂靜音海主夜神
守護一切主夜神 開敷樹花主夜神 大願精進力救護 妙德圓滿瞿婆女
摩耶夫人天主光 遍友童子眾藝覺 賢勝堅固解脫長 妙月長者無勝軍
最寂靜婆羅門者 德生童子有德女 彌勒菩薩文殊等 普賢菩薩微塵眾
於此法會雲集來 常隨毘盧遮那佛 於蓮花藏世界海 造化莊嚴大法輪
十方虛空諸世界 亦復如是常說法 六六六四及與三 一十一一亦復一
世主妙嚴如來相 普賢三昧世界成 華藏世界盧舍那 如來名號四聖諦
光明覺品問明品 淨行賢首須彌頂 須彌頂上偈讚品 菩薩十住梵行品
發心功德明法品 佛昇夜摩天宮品 夜摩天宮偈讚品 十行品與無盡藏
佛昇兜率天宮品 兜率天宮偈讚品 十回向及十地品 十定十通十忍品
阿僧祇品與壽量 菩薩住處佛不思 如來十身相海品 如來隨好功德品
普賢行及如來出 離世間品入法界 是為十萬偈頌經 三十九品圓滿教
諷誦此經信受持 初發心時便正覺 安坐如是國土海 是名毘盧遮那佛